

司馬遷史記



830909

石柏山房詩存卷之六

太湖趙文楷著

獨秀草堂存稿

先太夫人慟辭

憶昨 王程迫淒涼欲別難豈知成永訣猶自向長安未

八月奉命出使琉球始知母病以情乞假蒙恩給
暫假三月得歸見母臘月初七日假期迫滿辭母入

石柏山房詩存

卷六

一

都吞聲拜別思遠道魂應越寒燈淚共殘不孝海外歸來
之如昨日事也

距家尚四千里崇嶺惡溪恨不飛度旦夕悲號血淚枯矣
陳情今已矣誤我是為官不

原擬復命時奏請終養今已矣復何言哉

萬里經滄海羈魂恐不歸秋間蒙恩頒發藏香命闔督
虔禱天后令使臣安穩遄歸

蓋海道險阻生心惟慈母戀夢向故園飛不孝在中山時
還乃僮事也時夢依母膝

下夢中色死別書難得生還事已非不孝罪戾莫道又不
笑宛然即死今雖生還亦贅



疵可憐初度日猶着老萊衣

七月十一日在中山初度猶衣麟蟒服西向拜母豈知

違養已四閱月乎痛哉痛哉

四月廿日黃泥塆土室落成移居卽事用太白詩

卜築司空原爲韻得詩五首

少小愛邱樊老大纓塵俗有如羈絡馬不得騁遊牧竭來
山中行愛此清且淑土室雖云陋成之亦何速依崖結構
石柏山房詩存
卷六
二
牢著龜不用卜屋小神自遠意愜心亦足亭亭司空山蒼
翠日在目邈矣青蓮仙曾茲結茅屋

屋前溪涓涓屋後山簇簇右有積水池左有參天木課童
樹雞柵短垣亦已築料理籬根花移種墻頭竹隣里時相
過爲言新麥熟釀之勝秣稻時聞香馥郁客去亦不送取
書行且讀聊持甕頭春且用慰幽獨

廿年卜葬地嗟哉一何遲遲遲吾豈敢欲購亡多貲此山
東北來來勢復逶迤兩水合如帶一山爲鎮之人言山水
合作墓此則宜利澤非所求體魄斬安恬情志苟得伸禍
福非人司負土植松樹松長尺有奇何時得爾成雲際高

參差

朝來步南岡苦霧迷西東衆山一時失六合空濛濛翻思

石柏山房詩存

卷六

三

涉滄海海霧覆朦朧咫尺不辨人唯聞戰鼓蓼一箭中鯨
鯢礮落雷車衝迴船入閩疆龍濤激天風千里不一瞬帆
檣落奔洪性命等兒戲回首春夢中古之學道人保性忘
其躬死地走一過坐抵卅年功吾生不知道險夸視之同
不喜亦不懼悠悠付太空

四月陽氣感陰蟲聲已繁夕露下草間啾啾各爭喧我行

愛晚霽時復陟高原
豆莢雨後長瓜蔓
風前翻顧言
謂予
季至味唯菜根
人生境何常
苦樂相更番
苟不貪肉食
茶
苦何煩怨
欲行耻無具
欲隱戀
君思出處且勿計
努力
灌吾園

山中遲人不至

故人遙隔水雲隈
誰與同傾濁酒杯
風葉有聲疎雨歇
夜

石柏山房詩存

卷六

四

深螢火入房來

薄暮

薄暮東臯上行行
玩物華怒蛙爭淺渚
聞鷺占圓沙
樹影
千村暗雲陰一道
斜柴門臨水畔
合是野人家

邨夜

雨歇寒仍在
山深戶已扃
樹陰沉積水
螢火淡疎星
容膝

甘貧況垂頭惜壯齡寂寥吾久慣況有一燈青

甘貧況垂頭惜壯齡寂寥吾久慣況有一燈青

老夫茆屋費經營尙有漁舟製未成掠水不妨雙槳短受

風只要一帆輕晚將茶竈隨雲去秋與蘆花伴月明左插

漁竿右攤卷烟波從此屬狂生

幽意

石柏山房詩存

卷六

五

獨往不覺遠悠然隨所之偶逢曲徑轉時有野禽窺風定
澗逾響雲來山忽移柴扉猶未掩佇立已多時

晚步

獨把魚竿向水隈倦行隨意坐莓苔溪烟人語不知處落

日鳥飛無數來蓬葦忍拋閒歲月衣裳已盡舊塵埃老夫

便有終焉志繞屋松枝手自栽

皇天半看耕
平田水滿綠針齊
叱犢深耕脛沒泥
布穀一聲飛去也
前村烟雨正淒淒

桐帽棕鞋獨往來
野人相見不疑猜
側身天地同鷗鳥
滿眼山川入酒杯
境僻無須通轍履
門閒安用剪蒿萊
南窻

石柏山房詩存

卷六

六

一枕瀟湘夢涼雨
涼風到綠槐

雨過

蛙聲閣閣暮烟平
螢火微微拂水輕
一陣南風吹雨過
黑雲疎處一星明

家人以米匱告笈而遣之

皇天十日雨不足
富者閉糶如鬻玉
卧聞家人愁唧唧
起

視空瓶無儲粟一官落拓掛京朝忍使饑寒到僮僕不惜
典裘搜篋中換取如珠米一斛漲頭十丈疑渾河欲渡無
梁空極目覩顏不作乞米書忍餓休歌採芝曲曾聞志士
啜藜羹亦有英雄呼豆粥兒童無用雙縐眉老子猶能一
果腹

土垣爲雨冲倒因成長句

石柏山房詩存

卷六

七

夜聞猛雨心先駭有如江河東注海乍覺雷霆動地來土
垣一帶今安在我行對此長太息委地泥塗掃不得歲饑
民貧口無食那免對面爲盜賊可憐患澇已經年田廬漂
沒無人烟 九重憂念猶已溺側想天意豈宜然我願天
公憐赤子喚出扶桑紅蓓蕾高原不濕川安流一洗浮雲
見萬里老我無事山谷間我垣雖敗安足言呼僮樹棚高

且堅更取荆棘爲籬藩高卧從今百無慮犬吠深夜雞鳴
曙始知未雨先綢繆莫到臨機始憂懼

雜興

深院微涼習習生畫簾疎處夕陽明蚊蟲匿影不敢過松
竹向人如有情坐看翩翩衆鳥浴卧聽喔喔鄰雞鳴床頭
祇有一壺酒安能使我如長鯨

石柏山房詩存

卷六

八

壽人六十

閒向松根斲茯苓歸來濁酒倒銀瓶床頭長物君知否黃
素黃庭一卷經

題王畊原先生課孫小照

半畝松陰拂綠苔讀書聲似瀉瓊瑰旁人指點烏衣巷時
有春風燕子來

三年不到元亭畔卷裏鬚眉却逼真屈指東堂先友在靈
光端合屬斯人

贈人

玉門關外有垂楊幾度春風憶故鄉萬里生還疑夢寐十
年遠戍歷淒涼身經瀚海風霜苦賦就天山格力蒼莫恠
鏡中添白髮先生真似魯靈光

石柏山房詩存

卷六

九

題潘築巖表兄詩集

夕日澹林薄松窓有餘清此時讀君詩悠然太古情世人
競異尙醜恠百態呈夫子獨超俗力與古昔爭稱詩三十
年卷帙尙不盈所貴豈在多一一皆瑠英虛壑散清籟空
鐘來遠聲理足氣浮動境靜心空明一絲走天末變態烟
雲生瀾漫六合間下筆天海傾此意知者希公獨求其精

偉哉千秋業勿爲近代名

王和甫明府表兄自都旋里將赴永善之任臨別

以出峽圖小照索題漫成四絕

白帝城邊雪浪昏樓船簫鼓下荆門看君意氣忘夸險九

折迴車更莫論

又上瞿塘灩澦堆巴人爭看使君回憑欄一笑春風裏遙

石柏山房詩存

卷六

十

指兒童竹馬來

如此風波不可行笈渠珍重太癡生年來試險渾閒事曾

涉滄溟六十更

海道以百里爲一更

君向滇南我向燕別來經歲各華顛旁人祇說鬚眉似誰

識紅顏舊少年

題余慎齋乘槎渡海小照

我昔乘舟涉滄海海風東引浪冥冥日臨絕島三更赤天
入中原一髮青回首烟波魂欲斷驚心圖畫夢初醒憑君
更莫談夸險相對蕭蕭鬢已星

題龍山春遊小照

其人本涇縣人

溪光峯影碧灣環巖石無人獨往還得似故園風景否桃
花潭上水西山

石柏山房詩存

卷六

十一

試茶

社鼓初停杏粥罷山巖積雪寒猶嚴輕雷一夜走萬壑春
氣已遍東西崦昌明仙人卧不穩雲鬟霧髻窺重簾琅玕
參差燕釵碧翡翠倒影蛾眉尖探春使者真解事窺林小
摘繁春纖微薰緩炙裹筠筒雲腴百片酬雙縑丈人憐我
喉吻燥翠籠分致重題籤開緘已驚煩渴解惟覺口角流

涎粘石泉槐火旋旋煮瓦鼎磁注時時添候湯試水各有
法筆墨遊戲嗤蘇髯閨中豈無林下韻何至屑越煎薑鹽
春風入戶花落檐檐前皎皎新明蟾搜腸破悶三四椀縱
令不睡吾無嫌我生只求足一飽雖有異味腹已厭東海
江珧白玉軟南閩荔子紅香甜可憐十載飽塵土濁飲無
異魚喁噉武夷芽茶黃海葢苔水注碗口欲筭家山回首
石柏山房詩存

卷六

三

四千里夢遊惟識山名潛銀針梅花小雀舌坐想不到雙
唇沾豈知今日復飽此如逢故友來衡閨醉中作詩寄詩
老莫辭險韻湏同拈

水仙花

世人重千葉吾獨愛層臺雅潔故無匹穠華莫浪猜斷魂
臨水澹清夢逼香回夜畔燈前影盈盈欲下來

又題金庭圖畫天然雅素對圖對其南書畫數十
試與仙姿較衆芳終朝相對費商量劇憐嬌女猶能說合
是梅花與海棠

冷艷幽香亦太清向余何事獨多情涪翁一語真唐突枉
與山礬作弟兄

秋海棠

石柏山房詩存

卷六

三

花爲斷腸生人爲斷腸死試覓花下根定有相思子

截句

絡緯蕭蕭徹夜鳴秋風入骨使人驚半簷初日渾無夢臥
聽西園剝棗聲

偶成

木蘭舟上倚金釵圖畫天然愜素懷惆悵江南舊遊處十

年塵夢隔秦淮

暫別獨秀草堂囑守舍者

農圃俱安我林泉不責吾此行原小別欲去一長吁舊帖
須勤護新松要漸扶由來桑下戀更莫笑浮屠
回首黃泥坂森森松樹林崖迴雙澗落雲過半溪陰闌闌
吾何戀烟霞癖已深山猿無噉噉攜爾更重尋

石柏山房詩存

卷六

古

回首黃泥坂森森松樹林崖迴雙澗落雲過半溪陰闌闌
吾何戀烟霞癖已深山猿無噉噉攜爾更重尋
石柏山房詩存卷之六

石柏山房詩存卷之六

石柏山房詩存卷之七

太湖趙文楷著

木天近錄

遂平道中

雞鳴衆星落濛濛月在水清露濕野花十里香不已行役
豈不勞遊觀亦足喜中州地將近水清沙瀾瀾羣峯勢若
石柏山房詩存

卷七

一

幃遠樹青如薺此境殊恍然無乃故鄉是天風客衣單曉
寒肌粟起翻疑昨夜夢飛去家山裏

過銅雀臺

鄴中宮殿已成灰銅雀高飛去不回總帳夜深魂獨往墓
田春盡眼難開生逢孤寡能容竊死向嬋娟枉乞哀日暮
行人尋片瓦東風狼藉長莓苔

疑塚 真塚在漳河水中近有人掘出之

朽骨何緣愛惜偏老瞞自計亦徒然鐫碑不遂曹侯願
履空餘鄴伎憐金椁人間傳昨日漆燈地下是何年展禽
自有芻蕘禁安用纍纍起墓田

比干墓

汲縣城邊吊比干行人立馬一盤桓千年血化春蕪碧七

石柏山房詩存

卷七

二

竅心如曉日丹亡國有徵緣象著荒墳何地覓銅盤可憐
一片殷墟石忍使忠魂夜夜看

過湯陰吊岳鄂王

王氣潛移浙水濱域中何用產斯人兩宮竟作和戎質三
字能殲禦寇身中土有人增戰壘新亭無淚泣諸臣可憐
五國城邊路墓雨蕭蕭帝鬼燐

邯鄲行

七雄並起秦人強役使山東如犬羊趙人強項不俛首攻
城殺將殊相當邯鄲師圍日夜急信陵有姊長號泣侯嬴
劉首朱亥椎再使趙人宗族輯迄今宮殿跡如掃雄圖已
去生春草古縣東連鉅鹿城行人北走邯鄲道邯鄲城南
遊俠子邯鄲城北烟花里日暮垂鞭過柳堤笙歌別院參
石柏山房詩存

卷七

三

羞起人生過眼如郵送黃金成山不足用呂仙祠前日欲
西黃梁未熟難成夢

過趙州

最愛趙州道官橋楊柳陰從知爲政者尙有利人心曉日
雲猶濕微風蟬一吟樂城遊將近驅馬去駿駿

白溝河

王氣回看北斗杓當年雄鎮扼長橋堯封未得全歸宋洛
使還聞數度遼樹帶野烟寒漠漠風吹河水晚蕭蕭於今
混一車書日關塞何人敢射鵬

盧溝橋

洪流東南豁崇岡西北抱長橋互其中下有南登道形勝
據險隘王稅事搜討玉帛走萬方羽毛來絕島曉月挂孤

石柏山房詩存

卷七

四

城嚴霜被野草愧我數經過行色尙枯槁

和吳壽庭前輩棋局棹擅用涪翁瘦木棋局韻

陶令蓄素琴無絃非好奇得趣理亦足此意知者稀青檀
歷歲久棋局任所爲紛走蛭簡蠹伴侶支床龜有枰不着
子息此爭鬪機置身局外觀得失了不知一燈夜深坐方
几餘光輝誰歟橋中叟攜手吾將歸

題孫葆年中丞桐鶴清賞圖

相逢邗上又經秋，圖畫新披儼十洲。
海外風烟憐我在，江干車馬幸公留。
陽秋言論今誰似，河岳精神氣不侔。
此去石門山色好，政餘還爲一登樓。

七夕限僧字和家遂樓

慎畛韻

平生漫說氣飛騰，秋思撩人百感增。
壯歲功名餘短髮，客

石柏山房詩存

卷七

五

窓風雨對寒燈，傳書目斷南來雁。
顧影身如旦過僧，最是年年憶鄉國。
祇今歸去亦何曾。

薄薄秋雲夜氣澄，雙星遙在一層層。
仙橋不隔含愁女，官舍還多縛律僧。
夜靜明河懸屋角，天清殘月挂觚稜。
華燈綵纈應何處，竹箔蓬窓只有凭。
齊諧雖怪豈無徵，悵望星期歲歲仍。
銀漢幾曾深似海，槐

廳莫怪冷如水湘江水遠應勞夢鄭谷詩成愛惹僧一紙
秋聲嗔不得添將愁思未能勝

尚書題邵五

葆祺

橋東集

第五才名劇可憐新詩已有萬人傳千秋慧福難消受遲
却爲官已十年

天馬行空脫羈勒鯨魚跋浪見精神憑誰誦取驚人語肯

石柏山房詩存

卷七

六

信張良似婦人

題法時帆前輩詩龕圖

梧竹森森着色屏幽花細草幕長汀論詩也入蒲團坐不
向維摩枉乞靈

詩人住處卽慈藍圖畫何妨有七龕解得縱橫無定處月

光雲影在深潭

題駱佩香秋燈課女圖

閨閣從來識字難裁詩不惜到更闌任教才被天公妬忍

使遺書付蠹殘

白楊風起亂啼鴉掩淚燈前兩鬢華阿母莫辭尋覓遍墻

根應有斷腸花

次韻和戴東珊同年長句

石柏山房詩存

卷七

七

吾曹何事苦不樂有酒盈樽且斟酌酒人詞客走踉蹌相

攜競赴城南約城南風景頗撩人落花撲面如相親可憐

春去留不得屈指別我方經旬戴侯老矣風流最卅載聲

名重都會長鯨一吸百杯空郎當舞袖斜陽外歸途下馬

乘微醺主人留客不忍分入門長揖忽仰首朱顏一笑如

煙雲狂奴我本尋常事羨君時復有新意咳唾珠璣擊鉢

聲淋浪翰墨凌雲氣青鬢從教染素絲朱門華轂亦奚爲
明朝更有看花約愧我才非杜牧之

題李存厚梅窩圖

石岸參差曲徑斜春來池館盡梅花定知東閣多吟興莫
認孤山處士家

畫師貌得芳魂似一幅生綃醉墨痕却憶石門殘雪後碧

石柏山房詩存

卷七

八

鄰鄰水月黃昏

題俞石邨看劍引杯圖

落落長松倚細流使君閑暇得遲留十年一劍能青眼萬
里扁舟尚黑頭春酒杯濃傾琥珀虛堂夜靜走蛟虬何須
更索葡萄釀自有三刀夢益州

俞官四川

消寒會和戴東珊韻

天涯離緒總難忘
消得浮梁撲鼻香
不盡辭鋒驚四座
最寬酒令約三章
從來清曠推安道
底事聲名羨孔汪
拚斷雪中須白戰
高吟何似聚星堂

題指頭畫菊

不藉霜毫韻始傳
空空色色是因緣
何人解得拈花笑
方許來參一指禪

石柏山房詩存

卷七

九

深黃淺白各相宜
淡墨濡來別樣奇
曾向東籬尋覓徧
冷烟疎雨兩三枝

臘月汪吳泉集同人作消寒會邵五有詩四章卽

次其韻

策馬城東去前途未覺賒
夕陽隱高樹殘雪露平沙
剩酒衫痕浣歸鞍帽影斜
循簷探消息風信在梅花

才名推邵戴擊鉢更飛觴酒有分明令詩成急就章未應
容我拙誰得似卿狂十幅蠻箋上淋漓醉墨香

戴東珊有詩四章索

和

憶昨辭閩日淒涼亦自知溪山雲外展風雨夢中詩海國
多蛟蜃蠻方飽蛤蜊幾何成往昔又值饋年時

歲暮長爲客難言逸興饒他鄉共明月孤夢落殘宵寒已

石柏山房詩存

卷七

十

三更盡愁拚一醉消願君勤過我莫惜馬蹄遙

次韻和戴東珊消寒會元韻

不負樽中約蕭然聚首同歲餘將盡日寒過不周風殘雪
觚稜外歸鴉夕照中校書綠底事辛苦笑楊雄

索取銀瓶慣吾生嗜好偏身從教爾汝人亦厭喧闐醉膽
滄溟澗糟邱列宿躔歸來還自笑高聳兩山肩

屈指論交地甯能得幾人
淄澠無異味膠漆是前因
清甚梅花句醇如竹葉春
傾心記何處已在曲江津
僕僕年來徧遊僧到處家
客心驚歲晚春色在天涯
明月還相過香醪亦已賒
君看醉鄉好何異任丹霞

題扇頭士女圖

妙手丹青亦偶然無端貌得大羅仙
從教喚取真真徧不

石柏山房詩存

卷七

十一

結燈前一笑緣

手把諸于往復迴梅花折得一枝開
西湖雪後孤山側曾見斯人照影來

樹琴前輩見示新詩卽和原韻

黑頭卿相擅天才暫使掄英入院來
玉筍清華添舊譜金

章爛熳近中臺再傳自喜分衣鉢

座主謝薌泉先生爲先宗伯門下士

累月

還容共酒杯一幅瓊瑤誰擬得劍光虹氣燭三台

醉鄉風味憶紅壚過眼年華冉冉徂卻恐罄瓶愁渴肺誰

能投井乞靈符時以鎖院不能得酒一庭風雨春將暮三月鶯花興

不孤屈指歸時驚物換籜龍生筍燕將雛

和壽庭前輩醪酒見贈原韻

五色迷空日未真也從鎖苑看繁春座餘裙屐重來客先生

石柏山房詩存

卷七

七

及陳梅垞皆數次同考身是蓬萊最後人楷以丙辰釋褐今僅三年又籤掣房分居十八蟻

戰劇憐酣永日蜂房分得近比隣先生掣得十六房與先生居只隔兩間座最相

近文章捷敏聲名久東筍吟箋戛戛新承示江亭十絕句刻稿

文星十仞燭台垣桃李年年植滿門萬里烟霞在行篋先生

去歲典試粵西一天風月共清樽燈帷歷亂搖人影吟袖闌干灩

酒痕到眼新詩驚渾脫何如長劍舞公孫

和吳壽庭前輩韻

開軒恰對夜蟾孤
政似壺公自有壺
口哆我慙辭曼衍
才全公是德充符
池魚無用徒張網
塗豕應須後脫弧
但飲此杯餘勿論
醉中深趣莫知夫

和戴東珊問病韻

天與吾曹戒酒狂
安排病骨枕巾箱
頭風卻喜聞竒語
目眩偏宜見夜光
客散篆烟留暗壁
春陰花氣入虛堂
自慙不與看山約
檢點從前舊藥囊

石柏山房詩存

卷七

三

和吳壽庭買草花詩

近市門前車馬闐
買花不惜杖頭錢
由來異種甯論價
得伴詩人信是緣
園蝶有情依嫩蕊
壁蝸無賴暈新涎
遙知委地爛斑處
淺絳深紅落照前

水邊林下執羣芳迴首家園歷數霜老我關河餘夢寐憐
渠岑寂閱炎涼一春已負鶯花約百歲甯如鶴夢長爲報
此間須縱酒好邀明月過東墻
和東珊大雪長句用聚星堂韻

空堦槭槭唵楓葉開門忽見漫天雪快哉大地無纖塵城
郭山川兩竒絕頗怪冬來太暄煖霜草稜稜凍不折縱令

石柏山房詩存

卷七

古

挾纊不知寒恐有遺蝗未曾滅元冥使者真解事天花入
手供揮掣清響琅琅觸壁琴迴姿拂拂裝簾纈客來入戶
競撫掌滿身歷亂驚飛屑但覺樽前塊壘消那知世上風
花瞥吾徒縱飲苦未足憂從中來不可說可憐蜀道高峩
峩三十萬人猶衣鐵

和周聽雲詠塵影詩

滿目漫漫更莫驚，笑渠踪跡似勞生。
解通奧曲非無意，總向繁華見世情。
纖悉何從尋起滅，飛揚容易隔空明。
青衫大有年來污，濯向流泉恐未清。

塵

生小相從白首新，總無離別見前因。
本來印證原非幻，久作周旋亦可親。
萬里共爲天末客，三生疑是夢中人。
何時暫向蒲團坐，與汝俱成自在身。

影

石柏山房詩存

卷七

七

壽庭前輩惠魚以詩報謝卽用原韻

我愛遲眠聽夜柳，君獨早起挑殘缸。
打門驚我睡夢裏，斜月稜稜猶在窻。
雙魚何自來青瑣，銀鱗細骨青荷裏。
閨中遠寄豈尋常，何幸堆盤波及我。
城南此日春草生，紅窗夢醒聞啼鶯。
烹魚爲我視其腹，定有尺素緘閒情。
匝月孤眠亦云足，呼童檢點隨行篋。
歸來鯉膾傾雙樽，好向深宵訴。

幽獨 先生見魚有離
居之感故及之

蔡葛山太老夫子九十壽

黃閣巍然贊化功，榮名大福莫如公。
中朝模楷裴丞相，正學淵源蔡季通。
六十年來民望繫，七千里外主恩隆。
堂開綠野春恒在，爭見天書下碧空。

一自東門拜賜金，便還初服脫朝簪。
青山未解憂民念，白

石柏山房詩存

卷七

六

首猶餘戀，闕心出處向人無。
愧色林泉盡日有，高吟蓮花峯外齊雲閣。
想見支筇一再臨。

昨夜東風入舜韶，梅花開處雪全消。
人間喜見星南極，天上初迴斗北杓。
斑綵一庭趨鳳鵠，春醪百斛揖松喬。
祝公眉壽如川至，渺渺漳江萬古潮。

甲子初週蒞榜懸，非才身到大羅天。
斗山自昔欽崇望，衣

鉢於今認再傳申甫篤生逢此日富韓願識侯他年却慙
下里巴人曲也附琳瑯入錦箋

祝蔡母甘太夫人九十壽

碧霄寶婺色璘璘壽母由來本至仁錫誥爭誇三世貴紀
元曾見四朝新南陽菊水能延歲東海桃花不計春願就
漳江斟綠醕捧觴還有魏夫人

石柏山房詩存

卷七

七

戴東珊生辰用壽字作長句志祝

戴侯文章疑固有縱橫裨闔隨哆口有如黃河向東注蛟
龍蜃蛤爭驅走萬言戛戛鏗笙鐘八韻琅琅瀉瓊玖老矣
才華輸不盡天與雄詞歸巨手同時作者邵與郎如驂之
靳相先後相逢不用愁腎肝只要新詩供擊拊我懶於世
百不爲恰似垂楊生兩肘不解言愁盡廢詩祇除臥病惟

呼酒今朝三月值小盡爲君四十有五壽牙牌新署玉堂
銜耀髮華簪幸黑首東風吹雨晝冥冥門外泥深一尺厚
欲訪戴逵知未得能過蘇端定誰某急須沽取梨花春幾
時相就傾一斗春光去我誰能留富貴有時君識否願君
之壽如君詩萬卷千章留不朽

周聽雲見惠長句及心經小楷一幅奉酬元韻

石柏山房詩存

卷七

六

周侯雄才衆所怕萬軸千篇見者詫有如咳唾落九天往
往詼諧兼笑罵論書直欲追山陰不與歐虞少假借松窗
晝靜下筆親繭紙蘭亭相匹亞別來三日愁霖深沒脛青
泥難命駕蝸涎污壁蟻上席竹簾不捲殊休暇惠然示我
琳琅篇百斛明珠難論價心經一卷字如豆雙眸炯炯紙
光研樂毅遺教留人間千載爭衡氣不下語言禪悅吾何

有風雅仔肩君莫郤巡簷百讀不能忘青鐵一方聊報謝
七月十一日賤辰東珊以長句見贈次韻誌謝

憶昨君歌初度詩微妙直造無爲爲出莊子春風幾何又秋

月復值賤子懸弧時惠我一篇瓊玖什森然大將張鼓旗

投而不報吾豈敢效顰却愧東家施男兒立身苦不早形

容減少顏色虧王逸琴思楚歌高眠日晏飽噉飯頭顱久矣慙非

石柏山房詩存

卷七

九

彫平生友誼照肝膽語言未可忘箴規次公之狂何必酒
醉中無復知藩維世人皆厭君獨取毋乃賞識非權竒十
年飢走雙屐倦閩山楚水無多遣偶來射策幸弋獲木天
漠漠容棲遲可憐祿薄滯將毋側身南望長愁思遂令此
日無足樂紅蓮紫菊空靈姿諸公衮衮臺省客離離寮案
皆鴻儀竇然來思不我棄頓使陋巷生光輝年華暗有大

力取髣髮莫使風光欺頗聞市上有椒雨木罌已用青絲
縻幾時相就話深夜臣今時復一中之誓

用讀容臺集元韻贈禹山大兄

卷裏新詩妙入神翩然遊徧五都春短衣不惜風塵染高
髻何堪木石隣滄海遺珠求易得鈞天聽樂夢原真羨君
自許知音者曾是中朝一偉人

石柏山房詩存

卷七

三

結綠何曾掩碧苔未應三獻賦歸來入關侯喜知無恨下
第劉蕢未易才千里湖山春樹隔九重閭闔曉烟開玉
京會把芙蓉去莫向西風憶劔臺

送春園同年之任朝城

郎官應列宿出乃宰百里以令視斯民譬猶父於子呼籲
不我遐隱情悉洞視兵刑有專任令獨無衆技趨走丞簿

尉兢兢伺頤指苟有憂民心其澤乃無涖所以古帝王屏
風書姓字夫子南中杰奏賦明光裏下筆千萬言琅琅戛
宮徵筮仕聞尤溪其邑彈丸耳閭闔開九重朝陽照金祀
牙牌署新職天顏近尺咫帝謂公也才無使鸞棲枳
齊東之武陽煩劇正資理同列皆心慕羣公亦色喜受此
特達知明良豈偶爾炎飈動林樾十丈紅塵起之子且遠

石柏山房詩存

卷七

世

行驪歌聲索索秦蜀方用師郊原有戰壘鯨鯢漸就戮居
民半瘡痍此邦幸富庶淳樸無譎詭願君勤撫字毋勞競
鞭撻君家僧裕公神明有芳軌從知理縣譜不復宗傅氏
尊甫現
令楚中
翩翩雲際鳧漠漠桑陰雉政成旣不日河潤亦孔
邇琴臺高峩峩遺風激波靡青史傳循良吾將執筆俟

題馬楚銅柱記

楚南川谷清且幽奔走猿狖盤蛟虬龍山嶄然一千尺靈
溪却帶湘沅流天生盤瓠性勇悍亦有君長如羌酋有時
爭利奮超距臂懸蘆葉肩兜鍪桓桓楚王闢疆土西隣王
建南錢鏐懷柔伐叛師古昔金盃歃血休戈矛曰予推誠
可元鑿撫綏四徼無徵求毋擾耕桑害樵牧苟有違者神
虔劉天策學士擅文藻丈餘石柱精雕鏤燕然頌功何足

石柏山房詩存

卷七

三

數巫咸詛楚釜可憐時平誰復問遺跡蓮臺寂寞堆薪標
飛鳶磨啄牛礪角荒烟落日風颼颼古來作史推鉅手司
馬歐陽工博搜惜哉未見此拓本遺文缺畧難校讎豈知
此石尙完好蠟羶摹搨如銀鈎殘碑斷碣有同好片紙遠
費萬里郵摩挲古物豁兩眼蠻烟瘴霧疑沉浮推尋歲月
考名字珍藏何啻收琳球漢家中興征側貳亦有銅柱撐

炎洲可憐椒房故歛抑雲臺不寫新息侯湖南乃復媚初
祖功烈直欲相追侔誰爲榻取交州柱置與獵碣垂千秋

盤山李靖舞劍臺詩

衛公當年未虎嘯遨遊四海無人知崆峒一劍鏑鋒紫十
年衣底相追隨關中薄遊不稱意越公何足計大事題名
太華歸去來匹馬短衣走幽冀盤山百仞高峩峩上有翠

石柏山房詩存

卷七

三

石盤青螺公來意氣何慘澹拔劍起舞長悲歌西風落日
聞金鼓草間狐兔安足數一躍何慙楚飲飛五花傳自韓
擒虎太原公子真天人君臣會合平生親削平夏鄭服頡
利龍泉卧匣光粼粼此事經今二千載至今猶說高臺在
上有虬枝偃蓋之長松下有洵水東注春溶溶林間獨鶴
語空際巖畔桃花帶雨濃時平屢邀清蹕駐煥爛宸

翰如天工禮勤蒐狩古所羨興懷疇昔嘉元戎乃知遇會
良非偶偉業名山兩不朽摩挲此劍何處尋寒光夜夜冲
牛斗

七夕

清淺銀河一線垂天孫無計慰相思如何解語人間巧贏
得年年怨別離

石柏山房詩存

卷七

七

暗度金針事亦難滿身風露不知寒鴛鴦繡就渾閒事只
博檀郎一笑看

題慕芥舟園林艷雪小照

山城漠漠見新霜一角遙峯挂劍鋸借問畫圖誰却似輞
川添得孟襄陽
經行萬里賦登樓一劍隨身歷十洲冀北驚沙廣南雪宦

情鄉夢兩悠悠

枳棘鸞栖亦偶然官閒應得號神仙水邊籬落尋何處恰

似孤山欲雪天

門掩都梁一縷烟古香圖史劇堪憐鶴糧已足新筍熟此

外無煩費俸錢

和落花韻

石柏山房詩存

卷七

七

一夜庶纖雨未休曉來花事已沈浮殘香和露歸青靄紅
影隨風入畫樓艷骨由來悲北郭芳魂空自逐東流因緣
試問三生石寄語韋莊莫浪愁
花開花落意如何年去年來逐逝波春色不禁風雨疾人
生况是別離多誰家片拂團團扇是處香消瑟瑟羅
鶯愁留未得教人腸斷海棠窠

無題

妾家鸚鵡洲前住門外垂楊四五株
賤買鮒魚頻勸酒風流休更憶蓴鱸

見說壞裙能化蝶豈知餘鱸亦爲魚
濠間曳尾花間宿却怪勞生定不如

偶興

石柏山房詩存

卷七

共

水作精神玉作膚若非漢女定江姝
鑲窗細展鴛鴦譜纖手閒臨蛺蝶圖
錦帳夜深添艾蒨畫庭春盡長蘼蕪
壚旁有客疎狂甚一掬松醪合得無

題蘭亭本

繭紙昭陵伴玉鳧紛紛後世重臨摹
定州片石唐時絹誰識貞觀有趙模

井底長虹燭上台千年只伴六銅壘
褚公猶有精神在細剔蒼苔認劫灰
縮本蠅頭費刻雕半閑堂內重瓊瑤
可憐靈壁山無色枉使時人笑帖妖
一指揮成字字珠爲耽竒跡破工夫
當時若入山陰席辛苦何勞摘鼠鬚

石柏山房詩存

卷七

七

昔同榮祝方母吳太夫人七十壽

奕奕桐山外光騰寶婺新族傳吳子國年是絳河人曰昔
尚書第言歸夏纓輪相攸元老吉助祭季蘭親拜賜將名
鯉徵祥遂降麟蘇瓌真有子陶侃亟留賓銀鹿諸兒愛丸
熊五夜辛處高偏善下居富每賙貧鸞鏡傷單影鼇維柱
一身羣疑市成虎家難海揚塵娥具移山力發當恤緯辰

障綾排衆議鬣土樹貞珉支厦松堅節經霜竹有筠一朝
承 帝眷重席貢儒珍臺省暉冠慶瀛孺秉鉞頻冰心温
室慎藻鑑棘闈神奉 命專鹽筴依光在析津 皇心知
素節毋訓必純臣黽勉羔裘詠平反狂獄仁潘輿遊服豫
萊綵舞璘彬彬繞膝看雙秀添籌到七旬桂盈一輪月萱茂
八千春接壤樊侯第聞風孟氏隣敬將彤管筆第祿頌天
石柏山房詩存 卷七 共

申

次和東珊見過小飲元韻

有酒不肯飲非爲惜巨甌願與勝公榮握手相勸酬春風
入庭戶不忍忘吾儔花柳向人笑何處容閒愁吾子國之
望仕也學亦優我才稱散官於世無多求勸君勿復語天
人同一漚出門塵滿空車馬如水流

和英煦齋明熹宗小鋏斧歌

有明一代觀成敗
渙卦由來基漸卦
武宗去後有熹宗
技藝最精王業壞
嗟哉一斧費鏤鏤
國事紛紜不復求
赤顏闕監竊權紀
襖祿童稚皆公侯
黃金之龍忽飛至
天啟三年手自治
柄長四寸刃數分
不知成此將安置
可憐楊左憂國心
可憐諸臣碧血深
東林已盡西賊起
銅駝金馬俱

石柏山房詩存

卷七

七

銷沈以皇清左仗黃鉞斧削平禍亂
民歌舞蹈載干戈更
弛弓微物芟芟遺外府
我讀公詩感歎三
此斧作鑒真能
堪公詩已熟千萬口
莫作當年遺事談

石柏山房詩存卷之七
宗小鋏斧歌

石柏山房詩存卷之八

太湖趙文楷著

補遺

李怡堂賦册封琉球詩見贈卽次其韻

來往舟航恰一句

登海舟以五日至球陽回抵福建亦然

羈留海國半年新

往中山者半年

扶桑日月輝青極久米衣冠拜

紫宸絕域由來

石柏山房詩存

卷八

一

尊國使此身原擬付波臣詩歌莫說登臨好一路風濤也

畏人

寄劉松嵐

大觀

聞說中條嶺潛通百二盤昔賢著詩品幽谷號王官石為

題名在松猶市徑寒故人官近此超詣上吟壇

雁銜蘆

秋老寒蘆半未芟，征鴻一一趁歸帆。月明已借花同宿，露冷還將葉共銜。未必勞心防弋繳，休猜瘖口寄書緘。天衢來往真安穩，知鳥翩翩信不凡。

短葉柔條滿泛湖，辛勤銜得歷長途。一痕淡影添來見，萬里寒聲聽却無。人字幾曾煩畫荻，邊音還解學吹蘆。西風落日寒沙晚，欲倩黃筌爲寫圖。

石柏山房詩存

卷八

二

菊影

瑟瑟秋英閉院門，一枝一葉漏餘痕。欲留澹墨勾清照，試染濃香膩醉魂。風動簾櫳看不落，煙生臺榭悄無言。翛然撫玩忘形久，二尺燈檠夜尙溫。

秋老園林半已荒，蕭蕭掩映在迴廊。相看更覺和卿瘦，一拍還應笑我狂。靜夜祇邀三徑月，薄寒不怕五更霜。東窗

真是忘憂者敬熱淵明一瓣香

花圓綻處葉珊珊映向東籬愜古歡四壁煙雲燈火暗九
秋風雨竹門寒性情澹似圖中見色相空如夢裏看猶有
飄然蝴蝶在紙屏開過一盤桓

排來密密復疎疎淺映深藏一座餘香色不留緣底澹精
神俱在未成虛高低研席更殘後長短屏風月照初休遣

石柏山房詩存

卷八

三

銀箏彈別調此君身已到華胥

和劉松嵐韻

詞客官居久朱輪引繡旛論詩探古訣交友得羣言瘴霧

蒙山合波濤遼海翻

君先官廣西後移
奉天寧州州面海

聽君話疇昔蹤跡

半中原

石柏山房詩存卷之八終

先大夫歿五月而酌始生孤苦伶仃賴生慈太恭人撫之獲以成立少長知嚮學太恭人時告以先大夫已

事且手一編授之曰是汝父心血也其毋忘汝父之志酌

踞而受之與仲兄駿編次繕錄釐爲如干卷藏篋衍中久

思琴布壽世而家貧無力奔走四方迄未就事蓋忽忽已

三十餘年矣咸豐丙辰粵匪蹂躪江鄉故居被燬家藏數

跋

千卷悉付劫灰是編獨以前數日攜出得以無恙豈非冥

漠中有神物護持者哉今年夏兒子繼元奉太恭人就

養嶺東官署賫以來爰略加校正亟付之梓先大夫著

述甚富不自愛惜往往爲朋好取去所著尙有中山聞見

錄臨雍恭進迴文賦館課詩文及菊花新夢等雜劇大

半散佚惟槎上存藁經手自刪訂蕭山湯文端公曾梓行

爲世傳誦餘皆未定藁今所刻一依舊錄本不敢妄有去
取重先澤也泣思 先大夫清風亮節聲著海內外不朽
盛業不僅在是卽酌等自顧無似不克大顯先緒區區校
刊遺集豈遂能不墜堂構之重惟念 先大夫一生心力
略見於此而 太恭人之所以教酌兄弟之所以學蹉跎
數十年始獲畢其願不禁蹶然以喜又悄然以悲也刻既
跋

二

竣敬書簡末

咸豐七年丁巳嘉平月下泮男酌謹識於惠潮嘉道官廨
之燕喜樓

刺子舖住潮城岳
伯亭街林文存堂

